

lucida L., scapo purpurascenti unifloro foliis longiori: foliis pinnatifido-runcinatis angulatis dentatis subcarnosis: calycibus levissimis. *Vahl. Symb. 1. p. 66.*

h. H. Annua.

adspersa, scapo unifloro polline lucido adsperso: erecto longitudine foliorum superne incrassato: foliis pinnatifido-runcinatis dentatis: lacinia extrema trilobata. *Hyoseris scabra Linn.*

Pericarpia compressa marginata levissima: pappo radii biaristato: altera majore: disci pappo simplici sessili: scabrities foliorum nulla.

h. H. Annua.

scabra, carina calycis piloso-hispida: caule decumbenti ramoso scabro: foliis scabris sessilibus oblongis sinuato-dentatis supremis integris. *Hyoseris cretica Linn.*

Corollulae luteae subtus purpurascens. Pericarpia teretiuscula incurva scabra.

h. H. Annua.

APARGIA. *Scopoli. Linnaei Species. Virea Adanson. Gaertner. 2. p. 365. Tab. 159.*

Flores hermaphroditi. Calyx oblongus calyculatus laciniis brevissimis adpressis: interior aequalis simplici serie. Pericarpia oblonga subteretia striata acuta. Pappus radii paleaceus vel pilosus sessilis, disci plumosus stipitatus substipitatusve. Capitula ante anthesin nutantia.

hispida L., scapo unifloro superne hispido: squama solitaria adpressa: foliis obverse lanceolatis sinuato-denticulatis piloso-hispidis: calycibus hispidis: pappo disci substipitato. *Leontodon hispidum. Linn.*

h. frequens in pratis, locis graminosis. Perennis.

levis, scapo unifloro levissimo nudo: foliis runcinatis denticulatis piloso-hispidis: calycibus levibus. *Leontodon birtum Linn. Leers Herborn. p. 168.*

Pappus radii corona dentata: disci exterioris pappus sessilis plumosus: disci centralis stipitatus plumosus.

h. frequens ad viam regiam inter urbem et Koelbe.
Perennis.

Pili in utrisque simplices aut furcati.

livida, corollulis subtus livido-virescentibus: foliis lanceolatis sinuatis subdentatis: scapo nudo basi incurvo: calyce piloso, apice fusco. *Leontodon bastile*. Linn. *Picris Danubialis*. Allione *Fl. Pedem.* 1. p. 211. icon. Tab. 40. f. 3.

Dens Leonis glaber angustiore et longiore folio: flore minore. *Morison*. III. p. 75.

Radix fibrosa perennis plures emittit scapos simplices. Folia erecta scapo breviora subpilosa. Scapus subpilosus superne striatus, sub flore parum incrassatus semipedalis. Calyx pilosus: pilis albidis simplicibus, Pericarpia sulcata. Pappus radii sessilis, disci plumosus substipitatus.

h. H. Perennis.

heterophylla, foliis lanceolatis runcinatis, aut sinuato-dentatis levibus: scapo erecto levissimo: calycibus interioribus glabris apice subfuscis, exterioribus dorso apice pilosis.

Leontodon, danubiale, calyce toto erecto levi: foliis dentatis levibus: scapo unifloro subnudo. *Jacquin. Enum. Obs.* p. 270.

Radix fibrosa perennis. Folia erecta. Scapus sesquipedalis. Corollulae luteae subtus purpurascens. Pappus sessilis radii pilosus, disci plumosus.

A priori differt. Scapo altiori: figura foliorum, et pappi: capitulis majoribus et colore.

h. H. Perennis.